

**MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencija broj 16, koje zastupa ministar mr. Ismir Jusko, (u daljem tekstu: Kupac) i

**“R&S” d.o.o. Sarajevo**, ulica Igmanska b.b. Vogošća, koje zastupa direktor Kemal Selmanagić, (u daljem tekstu: Prodavac)

zaključili su:

## **UGOVOR o nabavci kancelarijskog materijala**

### **Član 1.**

Predmet ugovora je nabavka kancelarijskog materijala za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka na osnovu Odluke broj 01-11-4-2521-1 od 09.06.2020. godine;

Ugovor se zaključuje u skladu sa uslovima iz tenderske dokumentacije, ponudama Prodavca i odredbama Okvirnog sporazuma broj 01-11-4-2521-4 OS od 26.08.2020. godine i stvarnim potrebama Kupca.

Ponuda Prodavca broj 14533/20 za LOT 1, 14534 za LOT 2 i 14535 za LOT 3 kao i Izvještaji o toku i završetku e-aukcije od 21.08.2020. godine, su sastavni dio ugovora.

### **Član 2.**

Robe iz člana 1. ovog ugovora će se isporučivati sukcesivno, prema narudžbama Kupca, u zavisnosti od potreba istog, a ukupna vrijednost ovog ugovora bez PDV-a iznosi 140.750,00 KM (stotinučetdesethiljadasedamstotinapedeset i 00/100 KM), i to:

- za LOT 1 - Papiri i fascicle – 105.250,00 KM,
- za LOT 2 - Ostali kancelarijski material – 29.700,00 KM i
- za LOT 3 - CD, DVD medij i ostali potrošni material – 5.800,00 KM.

Prodavac se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ugovora vršiti isporuku roba iz člana 1. ugovora za potrebe Ministarstva unutrašnjih poslova Kantona Sarajevo.

### **Član 3.**

Kupac će ugovorenu cijenu plaćati Prodavcu u roku od 60 (šezdeset) dana po dostavljanju fakture.

### **Član 4.**

Prodavac se obavezuje da će isporuku robe izvršiti u roku jednog dana od prijema narudžbenice.

### **Član 5.**

Prodavac se obavezuje da ugovorene robe isporuči prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke.

### Član 6.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

### Član 7.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

### Član 8.

Ugovor stupa na snagu danom potpisivanja ovlaštenih predstavnika i traje 12 (dvanaest) mjeseci, odnosno do realizacije ugovorenog iznosa, a najduže do isteka važenja okvirnog sporazuma.

### Član 9.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**PRODAVAC**  
"R&S" d.o.o. Sarajevo  
Sarajevo  
**Kemal Selmanagić**

**KUPAC**  
MUP KANTONA SARAJEVO  
Sarajevo  
**Mr. Ismir Jusko**

Broj: 396/192  
Datum: 28-08-2020

Broj: 01/14-2521-5  
Datum: 27-08-2020

